



Sakspapir

Sakshandsamar	Arkiv	ArkivsakID
Signe Råheim	FE-033	19/463

Saksnr	Utval	Type	Dato
077/19	Kommunestyret	PS	29.10.2019

Uttale til kystverket om sjøtrafikksentralen på Fedje. Førespurnad om møte med samferdselministeren.

Saksutgreiing:

Innlevert sak frå Kamilla Karlsen (Ap):

SJØTRAFIKKSENTRALEN PÅ FEDJE – UTTALE

FØRESPURNAD OM MØTE MED SAMFERDSELSMINISTEREN

Fedje kommune er kjend med at Kystverket har sett i gang arbeid med sikte på å samla all regulering og overvaking av sjøtrafikken på ein eller to stadar langs kysten.

Det vil innebera at fleire av dagens sjøtrafikksentralar vert avvikla.

Fedje kommunestyre reagerer sterkt på dette.

Det er mindre fem år sidan Kystverket sist trua med nedlegging av VTS-en på mellom anna Fedje. Den gangen vart det gjeve eit svært tydeleg signal frå den politiske leiinga i departementet om at dette ikkje var ein farbar veg. Me kan ikkje sjå at det på nokon stad i dokumentet kjem fram informasjon som viser at situasjonen har endra seg vesentlig sidan den gong.

Kommunen vil understreka at farvatnet ved Fedje er eit av dei aller mest trafikkerte farvatna i den nordlege delen av Europa. Anlegga på Mongstad og Sture medfører at enorme mengder med olje og gass vert frakta på kjøll i området. Risikoen for ulykker med omfattande konsekvensar er stor, og kommunestyret vil for ordens skyld peika på at nettopp dette var ein vesentleg grunn til at sentralen vart etablert på Fedje i 1992.

Det er svært underleg at Kystverket i punkt 12.2.1 vurderer ei samla geografisk lokalisering av tenesta. At ein sentralisering av denne tenesta vurderast viser, slik me ser det, at OU 2020 er eit sentraliseringsprosjekt.

Kommunestyret kan ikkje akseptera at det vert sådd tvil om framtida for Fedje sjøtrafikksentral (Fedje VTS).

Fedje kommune vil be om at representantar for kommunen så snart som råd får eit møte med samferdselsministeren om saka.

Forslag til vedtak:



Fedje kommune

Kommunestyret - 077/19

K - behandling:

Endringsframlegg frå Ernst Horgen (H):

1. avsnitt: Første setning vert endra frå "(..)med sikte på (...)" til " (...)med sikte på å vurdere (...)"
3. siste avsnitt: Sløyfe setninga "At ein sentralisering av denne tenesta (...)"

K - vedtak:

Uttale til kystverket vert vedteke med endringane frå Horgen (H) og sendt til samferdselministeren med kopi til Kystverket.

Samrøystes vedteke.